

先哲醫話集目次

一	司命	一	一八	藥氣味	七
二	死生	一	一九	膽大	七
三	元氣	二	二〇	節色慾	七
四	脈候	二	二一	同藝相嫉	八
五	腹候	三	二二	醫匠之心	八
六	醫意	三	二三	利器毒藥	八
七	痼疾	三	二四	使方法	九
八	素難	三	二五	貴者難療	九
九	修治	四	二六	醫有十四不可	九
一〇	毒藥	四	二七	回光反照	〇
一一	藥產	四	二八	人之所病醫之所病	〇
一二	名方	四	二九	病有六不治	〇
一三	禁宜	四	三〇	記性	〇
一四	產婦及腹帶	五	三一	少腹名義	一
一五	醫治未病	五	三二	初學診脈	一
一六	素問名義	五	三三	病分左右	一
一七	醫不可不貴	六	三四	賊風	一

三五	露首溫足	一二	五四	欲善外科先宜精內科	一七
三六	左右齊診	一二	五五	活物窮理	一七
三七	引線候脈	一二	五六	蝮蛇咬療法	一八
三八	鍼入肉中	一三	五七	破傷風療法	一八
三九	不見前醫之發劑	一三	五八	乳岩之療法	一八
四〇	大同醫式	一四	五九	勞瘵之療法	一八
四一	後藤長山之死生診徵	一四	六〇	遺傳微毒	一八
四二	心小膽大	一四	六一	醫制病	一八
四三	狂癡在婦人難治	一五	六二	不治而自癒者	一八
四四	瘰癧之辨	一五	六三	食慾色慾害人孰甚	一九
四五	妊娠鑑別	一五	六四	隔噎之療法	一九
四六	求嗣法	一五	六五	水病之療法	一九
四七	虛勞發痔漏	一五	六六	貓咬症處方	一九
四八	著述三日而成	一五	六七	石榴皮治汞毒	一九
四九	君子有三惜	一五	六八	精神病灌泉療法	二〇
五〇	方者法也	一六	六九	經腹痛之療法	二〇
五一	方無靈	一六	七〇	醫之上工下工	二〇
五二	癰瘻	一六	七一	人身有自然之理	二〇
五三	病者後診徵	一六	七二	未診而豫擬其方	二〇

七三	莫如善讀其治驗·····	二〇	九二	扶陰抑陽納言疾行之戒·····	二四
七四	赤痢之豫後·····	二一	九三	醫不病·····	二五
七五	脚氣之豫後·····	二一	九四	道體數則·····	二五
七六	序跋徒極稱揚·····	二一	九五	藥物之產地·····	二五
七七	讀醫經秘訣·····	二一	九六	醫之三德·····	二六
七八	良藥苦於口利於病·····	二一	九七	嚴威儼格非愛之道·····	二六
七九	不爲窮困改節·····	二二	九八	愛而不勞則非醫·····	二六
八〇	學醫贊人·····	二二	九九	醫書亦是墳典·····	二六
八一	吉益東洞之識見·····	二二	一〇〇	以仁爲己任·····	二六
八二	杉田玄白之詩·····	二三	一〇一	爲生民瘼病·····	二六
八三	手術之精鍊·····	二三	一〇二	樹無仁則不生·····	二六
八四	醫書之虛實·····	二三	一〇三	有良工有粗工均是醫也·····	二六
八五	學之進也有漸矣·····	二三	一〇四	唯是感應而已·····	二七
八六	易者却難難者却易·····	二三	一〇五	醫之道在明于業·····	二七
八七	警戒數則·····	二三	一〇六	仁義禮智信·····	二七
八八	我非賣藥者何必求流行·····	二四	一〇七	學業者本也·····	二七
八九	師恩之厚·····	二四	一〇八	知藥不知方·····	二七
九〇	爲醫者在讀醫書·····	二四	一〇九	玉帛鐘鼓者禮樂之末也·····	二七
九一	於治術全是俗人·····	二四	一一〇	昔人之元素說·····	二七

一一一	醫之脩養	一一八	一三〇	醫之位置	三三三
一一二	疾病	一九	一三一	遊情之人腹裏結癥瘕	三四
一一三	貧賤豫後	一九	一三二	死生有命	三四
一一四	信而後行	三〇	一三三	和田東郭翁醫則	三四
一一五	大病當委一醫	三〇	一三四	人身小天地	三五
一一六	醫門一樂慈愛為先	三〇	一三五	醫家五戒之一	三五
一一七	古之藏器療法	三〇	一三六	香月牛山先生醫訓	三六
一一八	產婦側臥	三一	一三七	醫八事	三六
一一九	知雨聲	三一	一三八	我命在我不在於天	三六
一二〇	四季脈名	三一	一三九	買藥不可爭價	三七
一二一	觀人形性脈法	三一	一四〇	躬有微恙則不診人	三七
一二二	察平人損至脈法	三一	一四一	神妙則自然	三七
一二三	診暴病脈法	三一	一四二	嗚呼活人道	三七
一二四	定生死訣	三一			
一二五	女孕	三一			
一二六	能醫人多矣	三一			
一二七	學道志也行醫業也	三一			
一二八	醫殺人甚於賊者有焉	三一			
一二九	千人之治驗	三一			

先哲醫話集

長尾藻城纂

一 司命

古人謂醫爲司命官者。蓋本諸扁鵲之言。是不知者耳。扁鵲之言曰。疾有骨髓。雖司命無奈之何。是雖謂司命。而不謂已爲司命也。可以見已。夫死生有命。命者天之令也。孔子之所罕言。諸子之所不得聞也。醫其如夫命何。蓋醫者。掌疾病者也。謂之掌疾職。則可矣。謂司命官。則所以誣扁鵲。惑來學者。莫斯爲甚矣。學者思諸。（轉引元趙善書醫所載百益東洞言）

二 死生

死生者命也。自天作之。其唯自天作之。醫焉能死生之哉。故仁不能延。勇不能奪。智不能測。醫不能救。唯因疾病致死。非命也。毒藥所能治已。蓋死生者。醫之所不與也。疾病者。醫之所當治也。故曰。盡人事而待天命。苟人事之不盡。豈得委於命乎。是故術之不明。方之不中。而致死者。非命矣。（中略）世醫動輒豫定其死生。彼其意謂。斃我手。則害于名矣。間有一二中者。益信其臆不爽也。夫察聲氣色。臆其死生。周官之所命也。豈不可乎。雖然。察之以臆。臆之以臆。使其生者。輒編之鬼籍。恕乎束手。以待其斃。是豈仁人之用心乎。故臆其死。猶且盡我術。以望其或生。古之道也。然而不生。然後可謂命也已矣。唯重其名。故唯臆其死。不能忘死生於執刀圭間。所

以惑也。唯重其仁，故唯視其生，所以世醫所謂死者，間有起者也。故曰死生者，醫之所不與也。（同上）

三元氣

元氣之說，聖人之所不言也。大經莫有焉，蓋自漢儒創也。下至唐宋大盛，遂爲醫之恆言。曰元氣虛，曰元氣衰，曰補元氣。夫元氣者，陰陽一元氣也。天之所賦，人之所生，所謂先天之氣也。是豈可虛衰者哉？亦豈可補乎哉？若夫隨年齒而旺衰者，天地之道，萬物之常也。非人力之所能挽回也矣。如其當強壯而衰弱者，則有所抑遏也。除其所抑遏者，則復其常矣。彼不辨之，妄以爲虛衰而欲補之，可謂愚矣。又曰行氣，則病自除，蓋本之素問曰：百病生於氣，雖然，病之者毒也，毒乘之也，豈氣特病乎？又氣毒自除乎？說者不論及此，誤矣。（同上）

四脈候

人心之不同，如其面也。脈亦然。古人以體肥瘦，性緩急等，爲之規則。然是說其大抵耳，豈得人人而同乎？醫謂人身之有脈，猶地之有經水也。知平生之脈，病脈稍可知也。而知其平生之脈者，十之一二耳。是以先生之教，先證而不先脈，先腹而不先證也。扁鵲曰：越人之爲方也，不待切脈望色，聽聲寫形，言病之所在，可以見已。且如留飲家脈，千狀萬形，或無或有，不可得而詳矣。夫脈之不足以證也，如此。（中略）

世有隱其病，使醫診其脈，以試之者，乃取其不知之，似拙以意推度，言其

髣髴欲以中之。自欺之甚矣。醫其思諸。（同上）

五 腹候

腹者。有生之本。故百病根於此焉。是以診病必候其腹。外證次之。蓋有主腹症者。有主外證焉者。因其所主。各殊治法。扁鵲曰。病應見於大表。仲景曰。隨證而治之。宜取古法而求其要矣。（同上）

六 醫意

醫意之說一出。而世之狡兒。以爲口實。曰。醫之道。唯意以推之。何必讀書受業。而後爲之邪。吁。妄者陋者。豈可與言道哉。蓋醫之爲道。自有一定法。何鑿推妄行之爲。其如是也。不由規矩以擬方圓。不用繩墨而置曲直。豈得不差乎。學者思諸。（同上）

七 痢疾

世醫以痢疾名持病。而難於治矣。至如中風。嘔噎。脹滿。痿躄等。難之益甚。是無他方不得法也。蓋方法不愆焉。則無病不愈也。今從法處方。其所難者。得治不少矣。彼已不能治。則雖千百人中起一人。不亦善乎。此非入門同道。不易論焉。（同上）

八 素難

素難之書。古人以爲先秦之僞作。周南先生曰。六朝以降之書。然其中間有古語可法者。學者擇焉。難經傳以爲越人書也。而其言理最勝。故害道亦多。考之扁鵲傳。亦唯僞作而已。（同上）

九 修治

(前略) 去酷烈之本味偏性之毒氣。以爲鈍弱可狎之物。何能除毒治病哉。蓋毒卽能。能卽毒。製以益毒則可也。殺則不可矣。(同上)

一〇 毒藥

藥者。草木變性者也。偏性之氣皆有。毒。以此毒除彼毒耳。

周禮曰。聚毒藥以供醫事。又曰。以五毒攻之。

左傳曰。美疢弗如惡石。

古語曰。毒藥苦口利於病。

內經曰。毒藥攻邪。

古者以藥爲毒。可以知也。後世自道家之說。混疾醫。以藥爲補氣養生之物。不知其爲逐邪驅病之設也。可謂失其本矣。甚則至有延齡長年。還少不死等之說。庸愚信之。煅煉服食。以誤其身者多矣。悲夫。(同上)

一一 藥產

藥產有某土宜處。某土不宜處。其土之所生。性之所稟。不可不詳也。(同上)

一二 名方

世俗所謂名方者。間有奇效。故醫傳之。非醫者亦傳之。不審其所出。而一時施用有驗者。相傳以爲名方也。蓋載書籍者。未必佳。傳俗間者。未必不佳。宜博求魯問。以輔其術矣。(同上)

一三 禁宜

人性之所好惡不同。稱口腹者爲宜。不稱者不宜。古者養精以穀肉果菜。未嘗言禁宜也。後世嚴立禁宜。曰某物增病。其物勝藥也。然其爲物所奪者。非藥也。何以勝彼病之爲哉。立禁宜之弊。至進其所惡。禁其所好。不亦左乎。(同上)

一四 產褥及腹帶

產蓐之法。方士所習各殊。其有害者除之。無害者從之。勿爲收生家法所拘束焉。恐反生他病已。蓋產後困倦。欲眠且臥。而今京師俗。數日戒之甚不可。又妊娠腹帶之法。中華固無之。本邦有之者。世謂神功皇后征韓。妊娠環甲。故用之。非常法也。(同上)

一五 醫治未病

使天下狂狴無人。訟庭生莎。君相之德也。故曰。必也使無訟乎。使民人體常無病。壽考以終。醫師之德也。故曰。上工治未病。(皆川廣醫門人南都生著按鑒錄)

一六 素問名義

素問全元起云。素者本也。問者黃帝問岐伯也。方陳性情之源。五行之本。故曰素問。乾鑿度云。夫有形者。生於無形。故有太易。有太初。有太始。有太素。太易者。未見氣也。太初者。氣之始也。太始者。形之始也。太素者。質之始也。氣形質具。而病瘵由是萌生。黃帝問此太素質之始也。素問之名義。或由此文獻通考經籍考云。晁氏曰。昔人謂素問者。以素書黃帝之問。猶言

素書也。真僊通鑑云。天降素女以治人疾。帝問。遂作素問也。以上諸說。非牽強則迂誕。且如是當謂問素。不可謂素問也。素問註證發微云。素問者。黃帝與岐伯鬼臾區伯高少師少俞雷公六臣。平素問答之書。此解素字。旨不甚遠。而猶未全是。愚按素豫也。國語夫謀必素。註韋昭曰。素猶豫也。漢書陸賈傳。將相和則士豫。附註師古曰。豫素也。是素豫互訓。蓋同義矣。又按。史記秦紀昭王曰。物不素具。不可以應卒。漢書趙充國傳曰。誠非素定。廟勝之策。素字竝亦當以豫看也。問者黃帝問岐伯等也。夫民庶蚩蚩。不知養生之道。暴施妄作。由以生疾。以嬰橫夭。猶如不問法禁。而自抵罪。黃帝仁智。豫問岐伯以養生之道。避邪之術。以此垂世。以俾元元得全。生於無窮者。亦是聖人務本之揆矣。上古天真論曰。聖人不治已病治未病。不治已亂治未亂。又曰。病已成而後藥。亂已成而後治之。譬猶渴而掘井。鬪而鑄兵。不亦晚乎。是其特於卷首。揭示之本旨者。且夫內經一部之書。獨論病理而不備藥方。其意蓋亦專在豫防故也耳。(同上)

一七 醫不可不貴

予嘗語同志醫曰。醫者不可不貴也。易曰。天地之大德曰生。夫風雨而潤之。日月而烜之。是見天意之在生物矣。聖王之御極。秉彝倫之道。敷禮樂之化。以利民生。乃是其奉天命行天意者矣。但人外有大淫之感。內有七情之結。民之不終命而死。其尙在疾病乎。昔者大聖神農。嘗百草以辨揀。療。黃帝問岐伯以作內經。此天子之爲醫者也。伊尹佐商王。論廣湯液以

資醫用。此宰相之爲醫者也。想古之時醫。必人人而知之。故能若是也。至周始設醫職。譬猶古者人人諫君。至漢特有諫官。雖然尙列之天官。未敢輕醫也。醫既起死肉骨。必養人天罔極之德。以介含息无疆之壽。是故聖王好生之德。不用醫則不可爲得其全矣。古人有謂曰。上醫醫國。曰生生之具。王官之一守。醫之事也。如斯其胡得置諸下卑乎。後世醫職不貴。故英材偉器。恥醫而不爲。爲之亦不必深學。蓋後之無良醫。亦職此之由。其內或有上工者。乃亦以厥身在卑。人多不威。不威則不服。不服則不信。不信不服。神丹亦徒塵飯土羹耳。故曰醫者不可不貴。非以予身所事。強爲之胖飾也矣。(同上)

一八 藥氣味

藥之理病。氣以制氣。而氣不空生。必因于味。國語曰。味生氣生也。(同上)

一九 膽大

史載。姜維死時見剖。膽大如斗。蓋是相沿俗說。余友嘗請官得刑徒之屍。解剖觀之。膽附肝臟。大不過如無花果。則雖勇敢過人。焉能有其膽如斗之理乎。又內經云。膽者中正之官。決斷出焉。竊考蘭書。膽盈苦汁。主運轉氣液。消導水穀。蓋以獸膽功用推之。則蘭書之說。爲協其理。則云決斷之府。乃亦空理附會耳。(同上)

二〇 節色慾

余在京師。一再驢西依誠齋先生。先生時齡九十三。善飯健步。精神益壯。

余問其壽。繇先生曰：歲四十餘失偶。人勸後妻。自謂既有儲嗣。所冀惟壽。終峻拒之。矜居至今。或此事見益也。歸鄉之後。按此索高壽之人。遽得數輩。詢之言。如出一口。足以驗先生焉。又按宋劉安世自遷謫後。懼遺父母之憂。遂舉意絕色慾。自言自是未嘗有一日之疾。三十年來。血氣意思如當時。終日接士友。劇譚雖夜不寢。精神如故。夫養生之道。又有箇節色慾一事。正爾明較。（同上）

二一 同藝相嫉

翰墨射御醫卜。以至書計伶人。均是材藝。自古藝人。多不學道。以故其藝彌高。而媚疾彌多。卒至以相忌害。不謂不夥。亢倉子曰：同道者相愛。同藝者相嫉。凜然哉。（同上）

二二 醫匠之心

醫以濟生惠人。爲己任者。以笏室之卑。而上無恥於槐位。故賈太傅曰：古之聖人。不居朝廷。必在醫卜之中。非謂醫之有可貴乎。醫以釣名弋利。爲其心者。以千鍾之富。而下有侔於奸賈。故關子曰：商賈之言。醫匠之心。非謂醫之有可賤乎。（同上）

二三 利器毒藥

盤根錯節。非利器則不斷。痼痼難瘳。非毒藥則弗除。但利器易傷物。毒藥易害人。是固可畏矣。而醫之良者。用毒愈多何也。蓋物有非常之性。而有非常之能。夫韓信英布詐力虐徒耳。而漢高善用之。則與假令其疑惡不

用。吾未知夫鹿落乎誰手也。（同上）

二四 使方法

佛者曰：心迷法華轉，心悟轉法華。余亦曰：醫昧方法，使醫明使方法。（同上）

二五 貴者難療

貴者有疾，尤爲難療。郭王對和帝，言有四難焉。見于後漢書。余謂貴者難療，其由豈止四。衆人攬和而醫，令不行，婦人執事而將，息失度，藥則先適口而不要利病，方則專補益而忌疏條，並皆其所以謂難療也。且夫君上疊膝於深宮之中，氣血抑遏，無從疏進，置車方溫柔之鄉，斷喪過寸，罔省節制。五鼎八珍，鉅釘于前，重幌密幃，煖鬱于後，無一不爲疾病之資矣。其既然矣，以是賢君舉醫，知願生之道者，以任之獻替，此謂之治未病也。（同上）

二六 醫有十四不可

今之爲醫者，有十四不可焉。特學而疏術，一不可也。主意而昧法，二不可也。年少而蠱思，三不可也。年老而難事，四不可也。護生而適危，五不可也。見利而忘仁，六不可也。輕生而寡惻，七不可也。畏死而多遽，八不可也。厚富而薄貧，九不可也。裸賤而憚貴，十不可也。拘例而失權，十一不可也。趕變而惑常，十二不可也。巧言而銜技，十三不可也。標己而伐人，十四不可也。若能去所不可，其可也。乃將自至，忽之無省，其不可也。乃將長不除，爲醫如是，其害于人也，不抄何其惠民濟生之云者。（同上）

二七 回光反照

人疾篤。餓而飲食加倍。言色俱見。愈狀者。其死必近。俗謂之間晴。言如久霧中間。假見晴色也。嘗從舌官訪之。清客朱鑑。鮑朱客。名曰回光反照。同上。

二八 人之所病醫之所病

人之所病。病疾之多。病者憂世以下同而醫之所病。病道之少。（石坂年譜著局勸傳解）

二九 病有六不治

病有六不治。驕恣而不論於理。一不治也。輕身重財。二不治也。衣食不能適。三不治也。陰陽并藏氣不定。四不治也。形羸不能服藥。五不治也。信巫不信醫。六不治也。有此一者。則重難治也。（同上）

三〇 記性

汪詡菴云。金正希先生嘗言。人之記性皆在腦中。凡人外見一物。必有一形影。留在腦中。小兒腦未滿。老人腦漸空。故皆健忘。愚思凡人追憶往事。必閉目上瞪而思索之。此即凝神于腦之意也。（出于本草備要辛夷註王惠源醫學原始亦云。人之一身。五藏藏於身內。止爲生長之具。五官居於身上。爲知覺之具。耳目口鼻聚於首。最顯最高。便與物接。耳目口鼻之所導入。最近於腦。必以腦先受其象。而覺之。而寄之。而剖之。而存之也。故云。心之記。正寄於腦耳。黃庭內景。亦言腦爲泥丸宮。元神居焉。是必有本。何惑之有。）

予按阿蘭說人之精神在于腦中。故人斷頭立死。亦與內景之說符矣。而五雜俎談薈載頭斷而不死者數則。此是人妖耳。（醫廣上卷）

三一 少腹名義

王冰註氣交變大論云。少腹謂臍下兩傍膠骨內也。劉熙釋云。自臍以下曰水腹。水灼所聚也。又曰少腹。少者小也。比於臍上爲小也。病源候論以少腹爲臍腹。未詳何義。（同上）

三二 初學診脈

初學診脈之際。心以爲弦。則如弦。既又以爲緊。則如緊。除浮沉大小滑澀等之外。皆爲爾。譬之靜坐聞鶉鴿聲。心認脫布袴而聽之。則莫聞而不脫布袴。認德不孤而聽之。則莫聞而不德不孤。蓋心預有所期也。王叔和曰。心中易明。指下難晰。方此際洗盡胸次所蓄。寓孔神于三指頭。自然得矣。（同上）

三三 病分左右

王文正筆錄云。蓋人身一氣脈也。今及其感病。左癱者不及右。右癱者不及左。痲痺亦有如此者。又有汗出偏于左右者。又有瘡瘍左不淫于右。右不淫于左者。又有偏腹毒。自首至踵平分寒熱者。見船窗夜話雖則一氣脈。其有界限如是。筆錄所載。恐不虛誕也。（醫廣中卷）

三四 賊風

醫壘元戎俗云。賊風者。牕牖之風也。非也。予按以窗牖之風。解經之賊風。

固非也。然此攝生家之所最可避也。嘗閱明陳龍正幾亭外書云。孔隙風名爲賊風何也。曰平面風。如開口之呵。簷下之風。如喙口之吮。呵溫而吹冷。吹已不可不避。況孔隙風乎。鐵之爲物。方圓平厚。可坐可凭。惟刀錐不可近。薄與尖故。縫風如刀。隙風如錐。可謂能近取譬矣。（同上）

三五 露首溫足

予夜寢必覆被沒頭。否則不能穩睡。數十年以爲常矣。內典云。欲得老壽。當溫足露首。又應璩詩。下叟前致詞云。暮眠不覆首。當日中坐地讀書。見頭上有影二三尺。蒸蒸如遊絲。蓋陽氣之從玄府上騰也。方知露首所以得壽。而下叟之言不偶然。然不能頓止。（同上）

三六 左右齊診

魯華祝衛藏圖識云。西藏醫名厄木氣。其視脈以左手執病者之右手。右手執病者之左手。一時齊診。予嚮得本邦古醫書一卷。其中載診脈法云。左右齊診。而脈動應於醫之手。左右動數不齊者死之兆也。此從前脈書所未言及焉。（同上）

三七 引線候脈

世傳翠竹翁引絲診脈。此醫書所未言。襄陽縣志載崔真人名孟傳。北人關人。從族兄授醫學。掃雲留月。直得壺公妙術。萬曆朝太后病篤。真人應召。詔自簾孔引線候脈。投劑立愈。上賜官賜金。皆不受。遂賜以真人號。後於武當羽化。自號朴菴。此恐因小說西遊記孫悟空之事傳會者。（書下）

卷一

三八 鐵入肉中

鐵誤入肉。若不卽出。經年累月。走趨肉中。必出從他處。予亦往往目擊焉。袁漫恬書隱叢說云。鄂州武氏女。得奇疾。痛時宛轉不堪。一道之人以藥傳之一鐵鍼。隔皮跳出。余姪家幼婢。寢寐中手面腕間。如蟲螫之毒。若有物入于中。自後蠕蠕微動。漸漸緣臂膊。環而上。直至肘背。忽露一細頭。以指摘之。乃是一無孔鐵鍼。其痛始愈。計其三月之久矣。夫鍼之偶入膚肉。亦常耳。獨異其宛轉而上。且能自穴而出。視武氏之女。又異矣。昔人之所謂蜿蜒如龍者。安知非此等耶。以是知事理之不可測。而物性之不可知也。(同上)

三九 不見前醫之發劑

青囊瑣探曰。凡有病之家。延醫服藥數日。猶未見效。則信疑相半。遂又召他醫。出前醫之發劑。以問可否。予每臨如是。則不見其劑。夫人心不同。如其面。有誰與我意符合者乎。若見其藥。我以爲不可。豈可默止乎。若吞之而爲可。則失信於患者也。且以彼之所是我非之。則恐爲妬婦之口。此余所以不見前醫之發劑也。若病家篤信余懇請治無二心。則披見前醫之措劑。識別其攻補奈何。然後與藥矣。吁。以辨口術術之醫。自我乞覽前劑。漫謗其缺。當以欲奪人功。假令其不拙。殆可謂小人也。(錄方惟應續杏林內省錄)

四〇 大同醫式 大同三年奉勅施行者治承元年由藥頭所寫（抄錄）

一醫官每朝寅時獨考自脈。知日氣而出任。

一君上御惱之間。醫官不許房中之事。犯者解官。

一醫官診女官等。不許直問病根。

一御惱之時。選醫而令御藥上之。羣醫有異考。則雖夜中可申之。

一醫官之家。不許恣居遠所。

一御惱之時。醫官禁酒。

一御惱急時。不應召者。解官。

四一 後藤良山之死生診徵

按腹自心下至臍。任脈突起者。病聚脈下故也。病不聚者。脈不必突然。老人肉脫。發此證者爲死期。

虛憊症。唇色不淡白者。耳輪未萎者。可救活也。是宜熟察。

病至大患。目不瞬者。眼胞元氣脫也。乃爲反目兆。近死期。

專發聲音者。多吐血而脈不數。是不足畏。真吐血者。其脈必數急。是大可

恐。

虛勞脈細數者。脈乍見和平。則爲近死期。易所謂枯楊生華。何可久也。雖緩者不出五七日而死。（先哲醫書）

四二 心小膽大

余每稱心小膽大之語。以爲醫家喫緊。（後藤良山）

四三 狂證在婦人難治

狂證在婦人難治。微毒在婦人易治。（後漢長山）

四四 痿痹之辨

痿與痹易混。而詳之。則痹者主皮膚不仁。痿者主筋骨萎軟。（同上）

四五 妊娠鑑別

妊娠與血塊。易混。然塊者。頑固沈著。無發揚之勢。妊娠者。凝結溫然。有潤澤之氣。又訊之於婦人。夜陰快寢後。小腹動然突起者。娠也。又乳頭黑者。妊也。（同上）

四六 求嗣法

求嗣法。以溫潤為主。故灸腰眼穴效。浴溫泉亦效。（同上）

四七 虛勞發痔漏

虛勞有直腸疼痛。大便難。或發痔漏者。此皆以肺。大腸損傷。爲難治。（北山友松）

四八 著述三日而成

士左翁 （清溪隱居） 隱栖西山。著醫方口訣集。三日而成。有馬氏涼及手寫證治準繩全帙。以諳記。其卓識篤志。可並稱。（先哲叢書）

四九 君子有三惜

夏布政字正夫。未嘗以淹屈降志。嘗曰。君子有三惜。此生不學一可惜。此日虛過二可惜。此身有敗三可惜。北山友松續之曰。有善不作四可惜。有

過不改五可惜。老來怨天更可惜。(同上)

五〇 方者法也

方者法也。如毀舊屋而建新屋。故使方而不使於方爲要。假令如以中風方治咳嗽。是使方也。若以風藥治風。以咳藥治咳。是不使於方也。況索病根而治之。諸證不治而自治。乃上乘法。(北山友松)

五一 方無靈

阪陽老醫問起死回生之方。答曰。方無靈。唯求本耳。不言其他。(同上)

五二 癱瘓

癱瘓經年者。一旦忽然手足動。目睛爽。卽急變候也。(同上)

病癱瘓。肩髃骨開脫。如容五指者不治。又握掌不開者不治。開而不握者治。(和田東陽)

五三 病者豫後診徵

一病者目赤。眼睛不轉如魚目者。爲難治之候。

一病人不論緩急。將診之。宜隔牀望見其形氣。形氣縮小。神彩枯瘁者死候。不必持脈而知之。

一傷寒舌圓厚者。又薄小者。皆爲惡徵。又始終白苔不變者。亦爲難治候。又厚者赤者。皆爲虛也。

一臍下悸。按之與呼吸相應者。病人雖危篤。其死有間。

一凡大病眼中爽者惡候。不了了者。反有生意。勞瘵及雜病。眼神與病相應者爲佳。

一診大病。鼻梁亦爲要訣。醫書徒論明堂。而不及之。爲缺點。

一病人絕脈者。暴出爲惡候。微續爲佳兆。不止脈如厥逆亦然。

一偏枯證有治不治之辨。病者握手者決不治。試使握手仰臥。則手必開。復起之。則如故。是爲惡候。

一久病人。左右偏臥者。一朝忽得自由臥。則死期在近。

一病人舌上白苔。其下含紫黑色如牛舌者。爲惡候。此舌候兼面戴陽。則更爲危矣。

一患瘰癧者。襟際肉先脫。與他病羸瘦不同。宜熟察。

一瘰癧成癆者。與痔漏成癆者。其理全同。但有上下分耳。（和田東齋）

一診病人。宜察眼中之了不了。與音聲之爽不爽。此二者清亮則不死。

一血證脈弦數者。有不測之變。可恐矣。（荻野薑州）

一病人有呼吸乍失。調度乍復者。不出五六日死。（同上）

五四 欲善外科先宜精內科

夫欲善外科。先宜精內科。何則。瘡瘍雖百端。不能出於陰陽虛實。苟審之而施之治法。則於外科。無有間然矣。（華岡青洲）

五五 活物窮理

學醫者。如宋儒窮理。不先格知人身窮理。而後審疾病。則不能至極致矣。

(同上)

五六 蝮蛇咬療法

蝮蛇咬內服烏頭湯及紫丸外塗柿實汁則癒。(同上)

五七 破傷風豫後

破傷風其初項背強或言語蹇澀寒慄者可治。若至角弓反張則多難治。產後瘳病亦然。(同上)

五八 乳岩之豫後

乳岩有經水者易治。經水斷者難治。又乳岩者懷孕則其核忽成大也。(同上)

五九 勞瘵之豫後

勞瘵不可治似勞瘵者可治。膈噎不可治似膈噎者可治。世醫動謂能治之。蓋其似者耳。(永富獨滿庵)

六〇 遺傳微毒

微毒稟於胚胎者決不治。假令一旦得痊後必發。爲人父母者可不慎之於其初乎。(同上)

六一 醫制病

醫爲病制則雖藥峻劑大其病不易治也。醫制病則雖藥慢劑小其病可治也。醫宜謀諸未病之日。微諸既病之日矣。(同上)

六二 不治而自癒者

聞諸病者，不治而自癒者，百人之內過六十，其餘四十，十人者必死，證十人者難治，十人者險證，非良醫不能救，特下工所療者十人耳。（同上）

六三 食慾色慾害人孰甚

食慾之害人，甚於色慾，而世人徒知色慾之害，不知食慾之害，悲夫。（應美寧固）

六四 嘔噎之豫後

嘔噎，壯年者可治，四十以上者必不治，嘔證心下結塊，累累如拳者為惡候，又舌上發紫色斑者，同之。（同上）

六五 水病之豫後

水病，脈出者死，譬之於溺水者，有生氣者必沉，既死者必浮，其元氣衰者，脈自浮，元氣不衰者，脈自沉微，故水病脈滑浮為凶，沉實為吉，千古不磨也。（同上）

六六 貓咬症處方

瘦狗毒鼠，古今論其治，而至貓毒寥寥無聞，予曾為家貓所咬，痛楚苦惱，不可名狀，因曾檢毒獸咬傷之方，將水晶一味煎服，其病霍然如脫，後復發，乃作黃連解毒湯加虎脛骨，兼服之，數十日全癒。（同上）

六七 石榴皮治汞毒

余嘗見磨古鏡者，將石榴皮磨之，則銀光剝盡為銅色，乃知水銀之所忌，世解輕粉毒，專用石榴皮，洵有以也。（應美寧固）

六八 精神病灌泉療法

發狂者與三黃加芒硝湯兼灌瀑布泉爲妙。灌泉法使患者著樓而以麻索縛之於梯，別以手巾覆其頭，而後灌百會。又以手當額上，禦眼鼻而灌天庭，次至胸間臆中，則其人易堪而克奏效。泉水濁者不佳，宜選清冷者也。（同上）

六九 淫腹痛之療法

娼婦始入妓院，與客接十餘日，必發寒熱腹痛，俗稱曰淫腹痛，海蘿能治之。如寒熱不去者，宜小柴胡湯加海蘿。（同上）

七〇 醫之上工下工

醫有上工，有下工。對病欲癒，執方欲加者，爲之下工。臨診察機，使藥要和者，爲之上工。夫察機要和者，似迂而反捷，此賢者之所得，愚者之所失也。（同上）

七一 人生有自然之理

人生固有自然之理，而疾病亦不外於人身。故醫審其理而治之，否則施治益謬，是以長沙氏之書，務矯其弊，可不鑒哉。（同上）

七二 未診而豫擬其方

醫者對病人，未診之前，問其證候，胸中預擬其方，則診畢後，反失其真諦，宜虛心精診，而後熟慮下案矣。（多紀桂山）

七三 莫如善讀其治驗

欲識古人臨證施治之妙，莫如善讀其治驗，予將掇其精英，類爲一書，而

年老未果哀矣。（同上）

七四 赤痢之豫後

痢疾初起。脈數無倫。下利頻數。精神不安。額上汗出。面部肉脫者。皆爲不治。（多紀陸庭）

七五 脚氣之豫後

脚氣下部無水氣。胸背頸間面部。或手背浮腫者。忽至衝心。不可輕視。如水腫上盛者亦然。

脚氣。嘔逆喘急者。爲衝心之漸。不可忽諸。然復有似而非者。（同上）

七六 序跋徒極稱揚

近來舶齋醫書。大率蹈襲陳言。未有所發明。而其序跋徒極稱揚。顯不讀古書者之所爲。要之優孟衣冠。不過追時流釣名利耳。（同上）

七七 讀醫經秘訣

凡讀醫經。遇訓義有確據。則舉其一二而足矣。不必取繁冗也。

訓詁雖精。而其義不切於治術者。未爲得也。訓詁雖不精。而施之於疾病。必有實效者。乃爲得經旨矣。

凡立說者。非通貫全經。則不可謂之盡理蘊。非該盡萬理。則不可謂之得經旨。矧乃欲以變律常者。拘於常而不通變者。皆不善讀之故也。（同上）

七八 良藥苦於口利於病

孔子曰。良藥苦於口。利於病。

吉益爲則註曰。藥者皆毒也。以毒干毒。而疾乃瘳。奚藥之良之有焉。

七九 不爲窮困改節

君子脩道立德。不爲窮困而改節。爲之者人也。生死者命也。

八〇 學醫費人

東坡云。學書費紙。學醫費人。凡醫誤藥幾十遭。然後困心焦慮。得以成良醫之名。（高森正因）

八一 吉益東洞之識見

片倉鶴陵曰。芳村恂益。見聞雖博。著者雖多。其學竟不傳焉。如吉益爲則。學問不博。所見亦偏。而其術至今。益行。醫之於識見。不可不審也。（杏林雜話）

八二 杉田玄白之詩

九千里外存知己。五大洲中如比鄰。（杉田玄白）

八三 手術之精鍊

筑前陶村醫生養朴。以眼科聞四海。常盛水於盆。浮髮於其內。以燭針刺其髮。髮兩斷於左右。曰。不如此。則不能刮眼中之筋膜。其子學之數年。其髮雖兩斷。水有微聲。父曰。有聲者。不可刮眼。其人不堪痛苦也。（杏林雜話）

八四 醫書之虛實

凡醫書。其文巧而不知倦者。多虛也。文陋辨拙。易生厭心者。却實也。人好虛。嫌實多矣。可不思乎。（醫學言志錄）

八五 學之進也有漸矣

學之進也有漸矣。不可急迫。古人譬之一樹之花。自蓓蕾至開拆。日進不舍。有漸而不遽。（同上）

八六 易者却難難者却易

世人以讀書窮理爲難。以臨病施治爲易。易者却難。難者却易。難易互謬。是醫之所以無上工也。（同上）

八七 醫戒數則

一老醫之話。不可苟聞。俗醫之方。不可苟記。

一學醫多入揚子之門。術士遂陷墨子之穿。豈可不慎哉。

一醫者雖業忙。無讀書之暇。心不可宜忘之。苟忘之。則只是藥舖之徒。

一近世之醫。致美於衣裳。竭飾於器物。而置診法藥性于度外。豈可謂之醫哉。

一艱辛勞苦者。成業之良藥。

一醫者譏而有欲流行之念。便是不仁之根。

一寸塵入眼。不見大山。可不懼乎。

一蠶吐絲以利天下。醫用倭以計一身。可以人而不如蟲乎。

一方今斯道不絕猶續。吾徒足於衣食。安於枕席者。其恩安在乎。

一所知益高。則所行愈卑。此古今之弊。

一凡學藝非可活用於今日者。此無益學也。聖人之死物。不若愚人之活。

體也。（醫學言志錄）

八八 我非賣藥者何必求流行

有人曰。我非賣藥者。何必求流行。此言似立一家之言。而實非也。凡有仁愛者。必有此業。有此業者。必有此功。有此功者。人必慕之。人苟慕之。則雖欲業不行而得乎。（同上）

八九 師恩之厚

凡人隨師受教時。崇之如天。親之如父。而及其開業立門也。昂然自得。如有生知之德。而不思師恩之厚。甚則至於有排議師說。蔑如重恩者。噫。人情之儉薄。禮儀之壞亂。何夫至于斯也。（同上）

九〇 爲醫者在讀醫書

爲醫者。在讀醫書。讀而不能爲醫者。有焉。未有不讀而能爲醫者也。（靈樞經史松序）

九一 於治術全是俗人

今之所學。僅能知病人之所自知而已。不能知病人之所不自覺。故於治術。全是俗人。數十年後。而初得與俗人異。（中略）一日學之。有一日之益。是所貴於脈也。（脈經）

九二 扶陰抑陽訥言疾行之戒

言者訥道也。行者坤道也。故陽常有餘。陰常不足。是以有扶陰抑陽訥言疾行之戒。醫者尤可猛省焉。（醫學言志錄）

九三 醫不病

經云。醫不病。故爲病人。平息調之。所謂枉己者。未有能正人者是也。同上

九四 道體數則

一 天地以生物爲心。故人心亦是一箇生道而已。

一 經云。獨出獨入。又曰。獨往獨來。凡技藝至其極。則皆有此地。

一 仁者。是醫之體也。目視五色。仁也。耳聞五聲。仁也。指診五脈。仁也。口問證狀。亦仁也。無仁何據。

一 吸煙吃茶。亦是拂雜念之一良藥。

一 呼與吸。所資以始者。孰先孰後。學者以爲何如。

一 易曰。君子以虛受人。醫之道亦如此而已。

一 在天謂之大氣。在人謂之元氣。其氣乃一矣。

一 程子曰。天地萬物之理。無獨必有對。皆自然而然。非有安排也。以位言。則上下表裏。以氣言。則動靜盈虛。進退升降。以時言。則寒熱溫涼。臥起朝暮。兩兩相對。不期然而自不能不然。是謂之自然之理。

一 明天理。察病變。醫師之道也。痊與不痊。此亦別理。

一 先輩曰。運氣者。醫家之大業。診治之一端。

一 法立而能守。則道可久。業可大也。久是天地之理。大是天地之象。 (同上)

九五 藥物之產地 產於山者產於水者

凡藥物之產於山者，多是敵風寒，生於水者，多是利水濕，藥性之成分，不能不自然矣。（同上）

九六 醫之三德（智仁勇）

觀人之疾患，若己有之，是仁也。責有無，以詳其診，此智也。剛決明斷，以投方劑，此勇也。該此三德，而始謂之醫。（同上）

九七 嚴威儼格非愛之道

嚴威儼格，非愛之道，但主愛而可初入于醫門矣。（同上）

九八 愛而不勞則非醫

愛而不勞，則非醫。勞而不愛，亦非醫。（同上）

九九 醫書亦是墳典

醫書亦是墳典之一。（同上）

一〇〇 以仁爲己任

聖門學者，以仁爲己任。吾黨之士，亦以仁爲己任。（同上）

一〇一 爲生民癒病

爲天地立心，爲生民癒病。（同上）

一〇二 樹無仁則不生

人無仁則道絕。樹無仁則不生。杏仁桃仁，其名不虛。（同上）

一〇三 有良工有粗工均是醫也

有良工有粗工，均是醫也。蓋所謂小德川流，大德敦化。（同上）

一〇四 唯是感應而已

程子曰：天地之間，只有一個感與應而已。人之體亦如是，有感而有應，見應而知感，故醫之治法，亦感應而已。（同上）

一〇五 醫之道在明于業

凡醫之道，但明于業，則可以進仁。文辭之巧拙，不足以爲患也。（同上）

一〇六 仁義禮智信

慈惻人之病，是仁也。診候得其宜，是義也。方法適其度，是禮也。機變能處之，是智也。終身而不失，是信也。（同上）

一〇七 學業者本也

治術者技也。學業者本也。培其本而達其技，是謂之正學。彼以治術而已者，卑矣。（同上）

一〇八 知藥不知方

知藥而不知方，知方而不知術，知術而不知道，豈可謂之醫乎。（同上）

一〇九 玉帛鐘鼓者禮樂之末也

玉帛鐘鼓者，禮樂之末也。脈症方劑者，醫道之用也。若其全體，乃別有真理。今之人多就于脈症方劑，而說陰陽表裏寒熱虛實，至其所以爲然之理，則曰：無益於治療，安異以玉帛鐘鼓爲禮樂，而不求其所以爲禮樂者乎。（同上）

一一〇 昔人之元素說

元素者。卽氣也。氣者。卽陰陽也。故所謂六十元素者。分碎陰陽而言之。陰陽者。統合六十元素而言之。是以天地之間。陰陽之外。別非有元素者也。
(同上)

一一一 醫之脩養

其一 平者人身之常理

人者。居於遊氣紛擾之中。或從或逆。得其宜以調神。謂之平也。平者人身之常理。失常理則疾病立到。(同上)

其二 心緒煩冗言行亦自浮躁

凡心緒煩冗。則言行亦自浮躁。當斯時也。氣息以吹之。或壓之于臍下。而神氣始定。(同上)

其三 人身之靈猶如燈盞

人身之靈。恰如燈盞。然火是神。盞是體。油是飲食也。無體則不能飲食。不能飲食。則神失所養。神失所養。則欲不消滅而可得哉。是以精神飲食形體三者備。始謂之人。如其命數。乃是係燈心之長短也。故風前之燭。古人之所深戒也。(同上)

其四 人之生世以調神爲要

有天地而人存其間。故曰。天地合氣。命之曰人。人稟天地陰陽之氣以生。因血肉以成其形。以天地爲父母。

因念天氣者何。呼吸是也。地氣者何。飲食是也。呼吸陽也。故肺先受之。飲食陰也。故胃先受之。經曰。陽化氣。陰成形是也。是以一身氣力之根在於呼吸全體形肉之基在於飲食。陰陽相合。形氣相保。而神存于其中。故人之生也。以調神爲要。（同上）

其五 脩其神養其精

脩其神養其精者。是治未病之事也。去外誘之外。無他術矣。故外誘之不去。是百病之根。（同上）

一一二 疾病

一經曰。氣合而有形。因變而正名。是言盡之矣。

一病名不立。則治術無所施。尼山曰。名不正則言不順。

一虛邪中於人也。譬如虛器入水。水自然入。若以一器實水。置之於水中。

水何能入來。蓋中有主則實。實則不患不能襲。

一夫無病者。人之常也。有病者。人之變也。故人在氣中。常而變。變而又變。

變化無窮。醫豈易言乎。

一潮熱盜汗本是一也。潮熱如雲。盜汗如雨。

一人身之發熱。猶天地之溽熱也。雨降而暑去。汗出而熱解。故曰。陰之汗

以天地之雨名之。

一論病則要明其因。論人則須識宿素。（同上）

一一三 黃疸豫後（其惡露）

黃疸煩渴。吐逆腹脹者爲惡證。若夜不得眠。煩燥熱渴者。不出二三日而死。

腹中有癖塊。而一身發黃者。名曰癖黃疸。亦難治。（福井楓亭）

一一四 信而後行

孫真人曰。法爲信者施。不爲疑者說。又論曰。疑師不治病。疑藥不服之。服之卽不得力。決意不疑者。大神驗。

物理論。有醫詢者。秦之良醫也。爲宣王割瘰。爲惠王療痔。皆愈。張子之背腫。命詢治之。謂詢曰。皆非我背也。任子制焉。治之遂愈。詢誠善治疾也。張子委制焉。夫身與國。亦猶此也。必有所委制。然後治矣。

一一五 大病當委一醫

大病當委一醫。

一一六 醫門一業慈愛爲先

醫門一業。慈愛爲先。常存救治之心。方集古賢之行。近來醫者。診察疾病。未言理療。訾毀前醫。不量賦性庸淺。專務妬賢嫉能。利己害人。驚唬患家。意謀厚賂。此則不亦禽獸之心乎。

一一七 古之臟器療法

李東壁曰。人陰莖非藥物也。輟耕錄載。杭州沈生。犯姦事露。引刀自割其勢。（勢人勢也）流血經月不合。或令尋所割勢酒服。不數日而癒。（中略）人勢一作辜丸。（原南陽）

一一八 產婦側臥

本邦產婦禁側臥。特子玄子著產論。令乳婦去產帶。安臥。余嘗遊其門。親炙之。其臥者。神心安靜。得快睡。防暈除熱之良策也。其驗大勝於藥餌。而人皆憚之。(同上)

一一九 知雨霽

病者知風雨晦晴者。皆是血分之不爽也。或屬虛乏。或屬瘀滯。打撲折傷。癥瘕皆知之。云云。(同上)

一二〇 四季脈名

春脈弦。夏脈洪。秋脈浮。冬脈沉。(察病指南)

一二一 觀人形性脈法

人長則脈長。人短則脈短。人肥則脈沉。一云脈厚。一云脈細而實。人瘦則脈浮。一云脈急。一云脈大而長。人壯脈欲大。人弱脈欲小。反之者爲逆。形盛細少氣不足。以息者死。形瘦脈大。胸中多氣者死。老人脈微。微陽羸陰者平。一日脈微而羸。婦人脈當軟弱於丈夫。小兒四五歲脈。實自駛。呼吸入至。一云幼入脈微而壯。性急脈急。性緩脈緩。(同上)

一二二 察平人損至脈法

凡一呼一吸爲一息。一呼脈再至。一吸脈再至。是一息之間。脈四至並五至。不大不小。不短不長。是爲平人之脈也。
一呼一吸脈不及四至者。曰敗。一日氣虛。其人少氣。二至者曰遲。一日損。其人

可治。二至者曰敗。一日寒其人難治。延時而死。一至者曰息。其人雖行。方當著牀待時而死。此爲陰病之損脈也。故曰。陰病脈遲。

一呼一吸脈六至者曰數。爲始得病。七至曰極。一日無魂。八至者曰脫。一日奪精。二日無魄。九至者曰死。十至者曰墓。一日因沈細者困在夜。浮大者困在晝。

十一十二至者曰死。一日絕。二日命。沈細夜死。浮大晝死。此爲陽病之至脈也。故曰。陽病脈數。(同上)

一二三 診暴病脈法

脈來急大洪直者死。細微者無害。(同上)

一二四 定生死訣

陽病得陰脈者死。陰病得陽脈者生。脈病人不病者死。人病脈不病者生。(同上)

一二五 女孕(男女鑑定法)

陽脈皆爲男。陰脈皆爲女。

陰中見陽爲男。陽中見陰爲女。

左乳先有核者爲男。右乳先有核者爲女。

又法。令妊婦面南行。於背後呼之。左回來者生男。右回來者生女。(同上)

一二六 能醫人多矣

能醫人多矣。能使人皆能醫人不多也。蓋以醫醫人有限。以醫教人無窮。

(同上序文)

一二七 學道志也行醫業也

學道志也。行醫業也。不以志廢業。不爲業棄志。志不可不勉焉。業不可不精焉。古之人。有抱道而隱。耕漁之間者。乃以憂天下之心。爲憂耒耜不利之心。以其思人民之情。爲思網罟不密之情。居居然而耕。得得然而漁。然豈一日忘天下乎。故與夫乘風雲之會。而顯其績。得水魚之遇。而成其效者。其蹟雖異。而其志則同矣。(永嘉獨曉庵)

一二八 醫殺人甚於賊者有焉

却人於山野。養其口腹者。謂之賊。而其殺人。通計之於生涯。雖其多者。亦不過五十人。若百人。方今之醫。術拙而幸行於時。不知不識。戕人。通計之於日日。三五人者。蓋不爲少。生涯盛者。則不知其幾千人。其心雖固不出於害人。至使其死於非命。則一也。無乃其陰惡。甚於夫賊耶。嗚呼。仁之術。果奚在。學醫者如之何其可不畏且勉乎。(同上)

一二九 千人之治驗

醫雖才氣秀出於人者。試治方於危篤之病。不過千人。則知見不明。得處難諦。(同上)

一三〇 醫之位置

身處四民之外。或可貴。或可賤。上陪王侯。不爲榮。下伍乞兒。不爲辱。可優遊以卒歲者。唯吾技爲然。而自非有確乎不拔之操。難矣。其不爲油滑佞

諛之人（同上）

一三二 遊惰之人腹裏結癥瘕

後藤良山曰。百年以來遊惰之人。腹裏結癥瘕。余徵之都邑市朝之人。比比皆然。蓋大平日久。民庶蕃息。金錢虛損。奢佚日盛。則知巧之民不免病氣勢也。醫人施治之日。從這處下工夫。則大有裨益矣。（同上）

一三三 死生有命

死生有命。聖人之言。不可誣焉。命者天之令也。自天作之。故謂之命。疾病者。醫之所治也。醫之所治。則人事也。人事與天命。判然不可混焉。醫欲司死生。以天命爲私有也。不亦傲乎。醫斷既言之頗較著。而世人猶或惑焉。以不知治疾之要也。夫醫之於死生。猶將之於勝敗也。死生勝敗。共在天。非人之所司也。唯盡其術而已。唯精其謀而已。源廷尉逆櫓之辭。韓淮陰背水之陣。能堪頃暫之苦辛。則能享永久之榮枯。所謂瞑眩而疾瘳者邪。故將之良否者。忘於勝敗。醫之良否者。忘於死生。得之於法。成之於習。功用既就。心不謂之亂。坦然安於命。謂之得道之真也。所以盡人事而待天命也。（續醫斷）

一三三 和田東郭翁醫則

醫之爲任。唯察病而已矣。勿視富貴。唯病是察。勿視貧賤。唯病是察。勿劇視劇病。必也察劇中之易矣。莫輕視輕病。必也察輕中之危矣。克察之於斯。而勿視彼。亦唯醫之任也。察病之道也。醫之所可用心者。其唯變乎。揣

變於未變。而以非變待變。此之謂能應變。視彼之變。而我動其變。此之謂眩乎變。眩乎變者。不翅不能處其變。亦不能全其常。能應變者。既已知其變。故其處方也不殆矣。

凡病之爲情也。有二。故藥之用亦有二。曰剛曰柔。柔以當柔。剛以當剛。剛之制柔者有焉。柔之制剛者有焉。剛耶柔耶。二曰百。柔耶剛耶。百而二。唯智者知之。而愚者反焉。易曰。剛柔相摩。其道雖小。亦復爾矣。古人之診病也。望色不以目。聽聲不以耳。夫唯不以耳目。故能察病應於大表矣。古人之診病也。視彼不以彼。乃以彼爲我。其既無彼我之分。是以通病之情矣。

用方簡者。其術日精。用方繁者。其術日粗。世醫動輒以簡爲粗。以繁爲精。哀矣哉。

欲得活路者。必陷死地。欲陷死地者。必得活路。

醫之臨劇病也。欲使彼活於我手者。愛我也。欲使彼死於我手者。愛彼也。愛我者。終不能盡我矣。愛彼者。誠能盡我。古語曰。不入虎穴。不得虎子。余於醫亦云。（補遺雜話）

一三四 人身小天地

人身小天地。若上不知天文。下不知地理。中不知人事。豈可言醫。（簡醫精要）

一三五 醫家五戒之一

凡視婦女及孺婦尼僧人等。必候侍者在傍。然後入房診視。倘伴無伴。不可自看。假有不便之患。更宜真誠窺視。雖對內人。不可談此。因閨闔故也。
(外科正宗所載)

一三六 香月牛山先生醫訓

醫者民之司命。百工之長。與宰相並言。仁之術之。豈可爲小道乎。故非實實而無偽。性靜而有恆者。難與言焉。遊我門者。乃當自念。人身苦楚與我無異。諸招勿遲行。勿問貴賤。勿擇貧富。專以好生爲心。口不絕誦方書。手不停弄百草。不嫉人識能。不議人忤慢。不謗其醫。不評他藥。不務聲名。不貪財利。不銜術業。不諛豪富。折肱勿折腰。惟以救人爲心。如病機稍有凝滯。不見藥效。則須戰戰兢兢。加診療。如僧道貧士求醫。雖謝貨一毫勿受。如寡婦室女。必敬謹勿蕩。彼何證賜官。彥明免天人不能報。而天必報之。所謂陰德。猶耳鳴己知。而人不知。服之勿戰。

一三七 醫人事

志欲大。欲救人心欲小。以人命爲重。不敢妄投一劑。學欲博。上察氣運於天。下察草木于地。中察性情于人。業欲專。無外雜識。欲高。窮理正心。見微知著。察諸知因。氣欲下。虛懷下氣。不肅貪賤。不嫌臭穢。量欲宏。凡有能則告之。有善則舉之。不分爾我。守欲潔。

一三八 我命在我不在於天

我命在我。不在於天。但愚人不能知此。道爲生命之要。所以致百病風邪者。皆由恣意極情。不知自惜。故損生也。世人不終耆壽。多夭歿者。皆由不

自愛惜。（古今醫統）

一三九 買藥不可爭價

千金翼云。買藥不可爭價。

一四〇 躬有微恙則不診人

奧村良筑翁。躬有微恙。不診人。曰。我心不了了。診察恐不得審。（漫遊雜記）

一四一 神妙則自然

凡百技始乎巧。終於拙。出乎思。入不思。故巧思極。則神妙。神妙。則自然。自然者。不可以巧思得。不可以歲月到。不可離巧思而得。不可外巧思而到。

（永富獨嘯庵）

一四二 嗚呼活人道

嗚呼活人道。惟誠以爲心。術何論夷夏。方豈問古今。（獨內素堂）